


quibus fecerat cruces de aqua benedicta, videlicet, primam in medio altaris, secundam in dextero posteriori, id est, Evangelii, tertiam in sinistro anteriori, quartam in dextero anteriori, quintam in sinistro posteriori, hoc ordine:



Dicens, dum singulas cruces facit:

Sancti ✠ ficétur, et conse ✠ crétur lapis iste. In nómine Pa ✠ tris, et Fí ✠ lii, et Spíritus ✠ sancti, in honórem Dei, et gloriósæ Vírginis Mariæ, atque ómnium Sanctórum, ad nomen, et memóriam sancti N. Pax tibi.

Postea Pontifex procedit ad secundum altare, in quo peragit unctiones ut in primo atque ita porro.

Absolutis super omnia altaria unctionibus, Pontifex redit ad primum altare et accepto thuribulo a Sacerdote altare incensante, imposito et benedicto, ut prius, incenso, stans cum mitra inchoat, schola prosequente, Responsorium:

Dirigátur * orátio mea sicut incénsum in conspéctu tuo Dómine. V̄. Elevátio mánuum meárum sacrificium vespertinum.

Quo incepto, Pontifex circuit semel primum altare ad dexteram, thurificando illud; deinde procedit ad secundum altare, quod thurificat sicut primum, eodemque modo tertium, quartum et reliqua; restituto thuribulo Sacerdoti, redit ad primum altare et Responsorio finito, deposita mitra, dicit:

Orémus. Et ministri: Flectámus génua. R̄. Leváte.

Adsit, Dómine, misericórdiæ tuæ ineffábilis pietas, et super hos lápidés opem tuæ bene ✠ dictionis, et virtútem tuæ unctionis infúnde; ut, te largiénte, réferat præmium quisquis intúlerit votum. Per Christum Dóminum nostrum. R̄. Amen.

Oratione finita, Pontifex inchoat, schola prosequente, Antiphonam:

Mane surgens Jacob * erigébat lápidem in títulum, fundens óleo désuper: votum vovit Dómino: vere locus iste sanctus est, et ego nesciébam.

Ps. 91. Bonum est confitéri. pag. 149.

Et non dicitur Glória Patri.

Incepta Antiphona, Pontifex, accepta mitra, facit iterum quinque cruces cum pollice de eodem oleo Catechumenorum, in eisdem locis primi altaris, et eo ordine, prout prius fecit, dicens, dum singulas cruces facit:

Sancti ✠ ficétur, et conse ✠ crétur lapis iste. In nómine Pa ✠ tris, et Fí ✠ lii, et Spíritus ✠ sancti, in honórem Dei, et gloriósæ Vírginis Mariæ, atque ómnium Sanctórum, ad nomen, et memóriam Sancti N. Pax tibi.

Deinde Pontifex procedit ad secundum altare et facit unctiones, ut in primo, ac deinceps in reliquis. Post unctiones super altaria confectas, redit ad

primum altare et accepto thuribulo a Sacerdote altare incensante, imposito, et benedicto, ut prius, incenso, stans cum mitra inchoat iterum, schola prosequente, Responsorium:

Dirigátur * orátio mea sicut incénsum in conspéctu tuo Dómine. V̄. Elevátio mánuum meárum sacrificium vespertinum.

Quo incepto, circuit iterum semel primum altare ad dexteram, illud incensando; quo facto redit ad secundum altare, quod thurificat ut primum, et sic de reliquis, et restituto thuribulo Sacerdoti, revertitur ad altare majus, et Responsorio finito, Pontifex, deposita mitra, dicit:

Orémus. Et ministri: Flectámus génua. R̄. Leváte.

Adésto, Dómine, dedicatióni harum mensárum tuárum, et in eas, quæ a nobis indignis sancto linítæ sunt óleo, bene ✠ dictionis et sancti ✠ ficatiónis tuæ virtútem, et consecratiónem infúnde: Qui vivis et regnas Deus, per ómnia sæcula sæculórum. R̄. Amen.

Alia Oratio.

Orémus.

Omnípotens sempitérne Deus, altária hæc, quæ in honórem tuum, et in memóriam sanctórum tuórum N. N. nos indigni consecrámus, virtúte tuæ bene ✠ dictionis sanctifica; et ómnibus te hic invocántibus, atque in te sperántibus, auxilií tui munus osténde; ut his altáribus impósita múnera semper accépta fieri dignéris: et in eis Sacramentórum virtus, et votórum semper obtineátur effectus. Per Christum Dóminum nostrum. R̄. Amen.

Qua finita, Pontifex incipit, schola prosequente, Antiphonam:

Unxit te Deus, * Deus tuus, óleo lætitiæ præ consórtibus tuis.

Ps. 44. Eructávit cor meum. pag. 151.

Et non dicitur Glória Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabulæ primi altaris, et in quatuor ejus angulis, ordine supra posito, ad quamlibet crucem dicens:

Sancti ✠ ficétur, et conse ✠ crétur lapis iste. In nómine Pa ✠ tris, et Fí ✠ lii, et Spíritus ✠ sancti, in honórem Dei, et gloriósæ Vírginis Mariæ, atque ómnium Sanctórum, ad nomen, et memóriam Sancti N. Pax tibi.

Deinde Pontifex redit ad secundum altare, ubi conficit unctiones ut supra, idemque facit in reliquis altaribus. Uctionibus peractis revertitur ad primum altare, et accepto thuribulo a Sacerdote incensante, imposito, et benedicto, ut prius, incenso, stans cum mitra inchoat, schola prosequente, Responsorium:

Dirigátur * orátio mea sicut incénsum in conspéctu tuo Dómine. V̄. Elevátio mánuum meárum sacrificium vespertinum.

Quo incepto, Pontifex circuit semel primum altare ad sinistram, illud incensans, ut prius; quo incensato redit ad secundum altare, quod thurificat ut primum, et sic facit in reliquis et restituto thuribulo Sacerdoti, revertitur ad altare majus, et Antiphona finita, Pontifex, deposita mitra, dicit:

Orémus. Et ministri: Flectámus génua. R̄. Leváte.

Descéndat, quæsumus Dómine Deus noster, Spíritus tuus sanctus super hæc altária, qui et dona nostra, et pópuli tui in eis sanctificet, et suméntium corda dignánte emúndet. Per Christum Dóminum nostrum. **R.** Amen.

Qua dicta, Pontifex inchoat, et schola prosequitur Antiphonam:

Sanctificávit * Dóminus tabernáculum suum: quia hæc est domus Dei, in qua invocábitur nomen ejus, de quo scriptum est: Et erit nomen meum ibi, dicit Dóminus.

Ps. 45. Deus noster refúgium. pag. 152.

Et non dicitur Glória Patri.

Interim dum Antiphona, et Psalmus prædicti dicuntur, Pontifex, accepta mitra, fundit, et spargit de oleo Catechumenorum, et Chrismate pariter super primum altare, illud manu dextera confricans, liniens, et perungens. Deinde redit ad secundum altare, in quo spargit olea sacra ut in primo, idemque facit in reliquis omnibus. Quo facto, redit ad altare majus, et incipit, schola prosequente, Antiphonam:

Ecce odor filii mei, * sicut odor agri pleni, cui benedixit Dóminus: crêscere te fáciat Deus meus, sicut arénam maris: et donet tibi de rore cœli benedictiónem.

Ps. 86. Fundaménta ejus. pag. 122.

Et non dicitur Glória Patri.

Finito Psalmo, Pontifex stans cum mitra, dicit:

Lápides hos, fratres caríssimi, in quibus unguéntum sacræ unctiónis effúnditur, ad suscipiéndam pópuli sui vota, et sacrificia, orémus ut Dóminus noster benedícat, et cónsecret, et quod est unctum a nobis, sit unctum in nómine ejus; ut plebis vota suscipiat, et altáribus per sacram unctiónem perféctis, dum propitiatiónem Sacrorum impónimus, ipsi propitiátiores Dei esse mereámur. Per Jesum Christum Dóminum nostrum, qui cum eo, et Spíritu sancto vivit et regnat Deus in sæcula sæculórum. **R.** Amen.

Quo dicto, inchoat Antiphonam, schola ipsam et Psalmum ac sequentia Responsoria prosequente.

Lápides pretiósí * omnes muri tui, et turres Jerúsalem gemmis ædificabúntur.

Ps. 147. Lauda Jerúsalem. pag. 153.

Deinde dicitur Responsorium.

Hæc est Jerúsalem civitas illa magna cœlestis, ornata tamquam sponsa Agni. * Quóniam tabernáculum facta est, Allelúja. **V.** Portæ ejus non claudéntur per diem; nox enim non erit in ea. Quóniam.

Aliud Responsorium.

Platæa tuæ, Jerúsalem, sternéntur auro mundo, allelúja: et cantábitur in te cánticum lætitiæ, allelúja: * Et per omnes vicos tuos ab univérsis dicétur, allelúja, allelúja. **V.** Luce spléndida fulgébis, et omnes fines terræ adorábunt te. **Et per omnes.**

Incepta Antiphona, interim dum ipsa, et Psalmus, ac Responsoria prædicta cantantur, Pontifex cum mitra incipiens retro altare, et procedens ad ejus dexteram inungit Chrismate cum pollice dextero singulas duodecim cruces in parietibus Ecclesiæ depictas, ad unamquamque crucem dicens:

Sancti ✠ ficétur, et conse ✠ crétur hoc templum. In nómine Patris, et Filii, et Spíritus ✠ sancti, in honórem Dei, et gloriósæ Virginis Mariæ, atque ómnium Sanctórum, ad nomen, et memóriam Sancti N. Pax tibi.

Et peruncta qualibet cruce, mox accepto thuribulo, illam incensat triplici ductu.

His peractis, Pontifex ad altare majus revertitur, ac stans cum mitra, et thurificans super illud, inchoat, schola prosequente, Antiphonam:

Ædificávit Móyses * altáre Dómino Deo, ófferens super illud holocausta et immolans víctimas, fecit sacrificium vespertinum in odórem suavitátis Dómino Deo, in conspéctu filiórum Israél.

Qua finita, stans adhuc cum mitra, dicit:

Dei Patris omnipoténtis misericórdiam súpplícis implorémus, fratres caríssimi, ut altária hæc sacrificiis spirituális imbuénda, nostræ vocis exorátus officio præsentí bene ✠ dictiónem sanctificet, atque in eis semper oblatiónes famulórum suórum stúdio sanctæ devotiónis impósitas bene ✠ dicere, et sancti ✠ ficare dignétur; et spirituáli placátus incenso præcibus familiæ suæ promptus exauditor assístat. Per Christum Dóminum nostrum. **R.** Amen.

Deinde benedicit incensum super altaria cremandum, stans ibidem, deposita mitra, dicens:

V. Dómine exaúdi oratióne meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Dómine Deus omnípotens, cui assístit exercitus Angelórum cum tremóre, quorum servítium spirituále et igneum esse cognóscitur; dignare respícere, bene ✠ dicere, et sancti ✠ ficare hanc creatúram incénsi, ut omnes languóres, omnésque infirmitates, atque insídiæ inimíci odórem ejus sentiéntes effúgiant, et separéntur a plásmate tuo, quod pretiósó Filii tui ságuine redemísti, ut numquam lædátur a morsu iníqui serpéntis. Per eúndem Christum Dóminum nostrum. **R.** Amen.

Deinde aspergit ipsum aqua benedicta, et accepta mitra, propria manu ex ipso incenso quinque cruces, quamlibet de quinque granis, super illa quinque loca primi altaris, in quibus cruces de aqua, et oleo, ac Chrismate factæ prius fuerunt; et super quamlibet crucem thuris ponit unam crucem factam de subtili candela, ad mensuram crucis de granis incensi factæ, et cujuslibet crucis capita accenduntur, ut cum ipsis thus comburatur, et cremetur. Quo facto Pontifex accedit ad secundum altare et facit eodem modo cruces incensi superponens cruces de subtili candela factas ut in primo altari itemque deinceps

in reliquis. Omnibus autem crucibus accensis, Pontifex, deposita mitra, flexis coram primo altari genibus, inchoat, schola prosequente:

Allelúja. *V.* Veni sancte Spíritus, reple tuórum corda fidélium: et tui amóris in eis ignem accénde.

Nisi consecratio fiat inter Dominicam Septuagesimæ; et festum Paschæ Resurrectionis Domini nostri Jesu Christi: quia tunc, omisso Allelúja, dicitur Versus tantum. Quo dicto, surgit Pontifex stans ibidem versus ad primum altare sine mitra, et schola cantat Antiphonas duas sequentes:

Antiph. Ascéndit fumus arómatum in conspéctu Dómini de manu Angeli.

Alia Antiph. Stetit Angelus juxta aram templi, habens thuribulum aúreum in manu sua, et data sunt ei incénsa multa: Et ascéndit fumus arómatum in conspéctu Dei.

Sine Allelúja. Quibus finitis, Pontifex adhuc stans ante altare sine mitra, dicit:

Orémus. Et ministri: **Flectámus génua.** *R.* Leváte.

Dómine sancte, Pater omnípotens, ætérne Deus, clemens, et propítius preces nostræ humilitátis exaúdi, et réspice ad horum altárium tuórum holocaústum, quod non igne visibili probétur, sed infúsum sancti Spíritus tui grátia in odórem suavitátis ascéndat, et legitime se suméntibus Eucharístia medicábilis fiat, ad vitámque proficiat sempitérnam. Per Christum Dóminum nostrum.

R. Amen.

Post hæc, combustis candelis, et thure, cineres illius combustionis per unum ex ministris cum spatulis ligneis e singulis altaribus abraduntur, et collecti in aliquo vase projiciuntur in sacrarium. Interim Pontifex sine mitra stans ante gradus altaris, versus ad altare, dicit:

Orémus. Et ministri: **Flectámus génua.** *R.* Leváte.

Deus omnípotens, in cujus honórem, ac beatíssimæ Vírginis Mariæ, et ómnium Sanctórum, ac nomen et memóriam Sanctórum tuórum **N. N.** nos indigni altária hæc consecrámus, clemens et propítius preces nostræ humilitátis exaúdi, et præsta, ut in his mensis sint libámina tibi accépta, sint grata, sint píngua, et sancti Spíritus tui semper rore perfúsa: ut omni témpore his in locis supplicántis tibi familiæ tuæ anxietátes réleves, ægritúdines cures, preces exaúdias, vota suscipias, desideráta confirmes, postuláta concédas. Per Dóminum nostrum Jesum Christum Fílium tuum: Qui tecum vivit, et regnat in unitáte ejúsdem Spíritus sancti Deus.

Deinde eodem modo stans dicit mediocri voce, extensis manibus antepectus, Præfationem hanc:

Per ómnia sæcula sæculórum. *R.* Amen.

V. Dóminus vobiscum. *R.* Et cum spiritu tuo.

V. Sursum corda. *R.* Habémus ad Dóminum.

V. Grátias agámus Dómino Deo nostro.

R. Dignum et justum est.

Vere dignum et justum est, æquum et salutáre, nos tibi semper, et ubíque grátias ágere: Dómine sancte, Pater omnípotens, ætérne Deus: **Et**, ut propensióri cura, et attentióri famulátu tibi servitútis officia deferámus, hoc præsertim témpore, quo religiosárum méntium hábitum ultra parietum ornátum delegísti, templum istud, in quo Sanctórum tuórum **N. N.** méntio habétur, benedícere, et sancti **✠** ficáre dignéris: per quorum sacram reveréntiam et honórem, sacratíssimo nómini tuó hæc altária dedicámus. Horum igitur, Dómine, efflagitátus précibus, dignáre hæc altária cœlesti sancti **✠** ficatióne perfúndere, et bene **✠** dicere. Assístant Angeli claritátis, et sancti Spíritus illustratióne perfúlgeat. Sint illíus quoque apud te grátia, cujus fuit illud quod Abraham, pater fidei, in nostræ figúram redemptionis, fílium immolatúrus extrúxit; quod Isaac in conspéctu tuæ majestátis instítuit; quod Jacob Dóminum magna videns visióne eréxit; ut hic orántes exaúdias; hic obláta sancti **✠** fices; hicque superpósita bene **✠** dicas; hic quoque benedícta distribuas. Sit ergo Ecclésiæ tuæ titulus sempitérnus, sint mensæ cœlesti spiritualique convívio præparátæ. Tu igitur, Dómine, próprio ore tuo hóstias super eas impósitas bene **✠** dicito, et benedíctas suscipito. Ac nobis ómnibus tribue, ut participatióne eárum vitam acquirámus sempitérnam.

Quod sequitur, dicit submissa voce legendo, ita tamen, quod a circumstantibus audiatur.

Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus, per ómnia sæcula sæculórum. *R.* Amen.

Præfatione finita, Pontifex inchoat, schola prosequente, Antiphonam:

Confirma hoc Deus, * quod operátus es in nobis a templo sancto tuo quod est in Jerúsalem, allelúja.

Ps. 67. Exsúrgat Deus. pag. 75.

Incepta Antiphona, Pontifex, accepta mitra, cum pollice dexteræ manus Chrismate intincto facit crucem in fronte primi altaris, nihil dicens. Unctione peracta in primo altari accedit ad reliqua altaria, in quibus facit unctionem ut in primo. Quo facto redit ad altare majus, ac prædictis Antiphona, et Psalmo finitis, deposita mitra, dicit:

Orémus.

Majestátem tuam, Dómine, humíliter implorámus, ut altária hæc sacre unctiόνis libámine ad suscipiéndam pópuli tui múnere inúcta poténter bene **✠** dicere, et sancti **✠** ficáre dignéris: ut quod nunc a nobis indignis, sub tui Nóminis invocatióne, in honórem beatíssimæ Vírginis Mariæ, et ómnium Sanctórum, atque in memóriam Sanctórum tuórum **N. N.** sacrosáncti Chrismatis unctióne delibútum est, pláceat tibi, atque altária máneant perpétua; ut quidquid

deinceps super illa oblátum, sacratúmve fúerit, dignum tibi fiat holocaústum; atque ómnium hic offeréntium sacrificia a te pio Dómino benigne suscipiántur, et per ea víncula peccatórum nostrórum absolvántur, máculæ deleántur, vénia impetréntur, grátia acquirántur, quátenus una cum Sanctis, et Eléctis tuis vitam percipere mereámur ætérnam. Per Christum Dóminum nostrum.

R. Amen.

Tum Pontifex, accepta mitra, cum pollice dexteræ manus Chrismate intincto inungit in modum crucis conjunctiones mensæ, seu tabulæ primi altaris, et tituli, sive stipitis, quatuor angulis, quasi illa conjungens, ad singulas cruces, dicens:

In nómine Pa ✠ tris, et Fy ✠ lii, et Spíritus ✠ sancti.

Postea, redit ad secundum easdemque ut in primo unctiones ibi conficit, atque ita de reliquis. Postea redit ad altare majus et deposita mitra, dicit:

Orémus.

Súpplices te deprecámur, omnipotens ætérne Deus, per unigénitum Filium tuum Dóminum nostrum Jesum Christum, ut altária hæc sanctis úsibus præparáta, cœlésti bene ✠ dictione sanctifices; et sicut Melchisedech Sacerdótis præcipui oblationem dignatione mirábili suscepisti, ita impósita his novis altáribus múnera semper accépta ferre dignéris; ut pópulus, qui in hanc Ecclesiæ domum sanctam convéniet, per hæc libámina cœlésti sanctificatione salvátus, animárum quoque suárum salutem perpétuam consequátur. Per eúndem Christum Dóminum nostrum.

R. Amen.

Post hæc Subdiaconi abstergunt diligenter cum mantilibus telæ grossæ mensas altarium; et Pontifex accedit ad sedem suam juxta altare majus, in qua cum mitra sedens fricat bene manus cum medulla panis, ac lavat, et extergit. Quo facto, Subdiaconis, seu Acolythis præsentantibus ipsi Pontifici tobaleas novas et mundas, vasa et ornamenta ad cultum Dei, et Ecclesiæ, ac altarium consecratorum pertinentia, Pontifex, deposita mitra, surgit, et stans, illa benedicit, dicens:

BENEDICTIO

TOBALEARUM, VASORUM, ET ORNAMENTORUM ECCLESIAE, ET
ALTARIUM CONSECRATORUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spírítu tuo.

Orémus.

Omnipotens, et miséricors Deus, qui ab inítio utilia, et necessariá homínibus creásti, témplaque manu hóminum facta Nómini tuo sancto dicári, tuæque habitatiónis loca vocári voluísti; quique per fámulum tuum Móysen vestiménta Pontificália et Sacerdotália, seu

Levítica, et ália quæque diversí géneris ornáménta ad cultum et decórem tabernáculi, et altáris tui fieri decrevísti; exaúdi propítius preces nostras, et ómnia hæc diversárum speciérum ornáménta in usum hujus Ecclesiæ tuæ, et altárium ad honórem et glóriam tuam præparáta purificáre, bene ✠ dicere, sancti ✠ ficáre, et conse ✠ cráre per nostræ humilitátis servítium dignéris: ut divínis cúltribus, et sacris mystériis apta exsístant, hisque confectiáni Córporis et Sanguinis Jesu Christi Filii tui Dómini nostri dignis pareátur famulátibus: Qui tecum vivit, et regnat in unitáte Spíritus sancti Deus, per ómnia sæcula sæculórum. **R.** Amen.

Deinde aspergit illa aqua benedicta; tum ministri ponunt super unumquodque altare Chrismale, sive pannum lineum ceratum, ad mensuram cujuslibet altaris factum; deinde vestiunt altaria tobaleis, et ornamentis benedictis, ponentes desuper crucem, et alia ornamenta. Interim Pontifex stans ibidem inchoat Antiphonam primam, schola ipsam ac alias Antiphonas sequentes, et Responsoria cum suis Versibus, et Psalmis prosequente.

Ant. Circúmdate Levítæ * altáre Dómini Dei, vestíte vestiméntis albis, estóte et vos canétes hymnum novum, dicétes, allelúja. **V.** Mirábilis Deus in Sanctis suis, et sanctus in ómnibus opéribus suis. **V.** Glória Patri et Filio, et Spíritui sancto. **R.** Sicut erat in princípío, et nunc, et semper, et in sæcula sæculórum. Amen.

Alia Antiphona.

Circúmdate Sion, et complectímmini eam, narráte in túrribus ejus. **V.** Magnus Dóminus et laudábilis nimis, in civitáte Dei nostri, in monte sancto ejus.

Deinde dicitur Responsorium.

Induit te Dóminus túnica jucunditátis, et impósuit tibi coronam. * Et ornávit te ornáméntis sanctis. **V.** Luce spléndida fulgébis, et omnes fines terræ adorábunt coram te. * Et ornávit te. **V.** Natiónes ex longínquo ad te vénient, et múnera deferétes adorábunt Dóminum; et terram tuam in sanctificatione habébunt, et nomen magnum tuum invocábunt. * Et ornávit te. **V.** Benedícti erunt, qui te ædificavérunt, tu autem lætáberis in filiis tuis, quóniam omnes benedicéntur, et congregabúntur ad Dóminum. * Et ornávit te.

Et non dicitur Glória Patri, sed sequens Antiphona cantatur.

In velaménto alárum tuárum prótege nos Dómine, et in laude tua gloriémur.

Ps. 62. Deus Deus meus. pag. 158.

Finito Psalmo, Pontifex, deposita mitra, ascendit ad altare majus, et facta cruci super altari positæ reverentia, incipit, schola prosequente, Antiphonam:

Omnis terra * adóret te Deus, et psallat tibi, psalmum dicat nómini tuo Dómine.